



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

II. De Bolezlao Duce Poloniae, & ex quibus causis praedicatio illius gentis
orta sit?

urn:nbn:de:hbz:466:1-41527

tate se attingentes fines respicit Vngariæ & Moraviæ : dein Poloniam spaciola contiguitate vsque ad confinia Leusticiæ & Saxonici se habet attingendo extendentem.

*Quales olim
Pomerani.*

Gens ista terra marique bellare perita, spoliis, & raptu vivere consueta, naturali quadam feritate semper erat indomita, & à cultu & fide Christiana penitus aliena. Terra verò ipsa piscium & ferarum copiosam incolis præbet abundantiam, omnigenumque frumentorum ac leguminum siue seminum fertilissima est; nulla mellis feracior; nulla pascuis & gramine fecundior. Vinum autem nec habent nec quærunt, sed melleis poculis ex ceruisia accuratissime confecta vina superant Falernica. Sed de his aliâs.

*Fertilitas Po-
merania.
Vino caret.*

Nunc autem est expediendum, quod multis admirationi est, quare videlicet hi homines tam procul ab Orientali Francia, & Babebergensi Ecclesia, imò à toto Orbe penè diuisi, non alium quemque de vicinioribus regnis vel Ecclesiis Baptistam, & prædicatorem, quam Babebergensem Episcopum habere potuerint. Sed hic fructus ad incrementum beatitudinis eius à Deo illi donatus est.

Psal. 117.

Tieno. *A Domino, inquit, factum est illud, & est mirabile in oculis nostris.* Vnde, quo nam id ordine factum sit, nos audire delectat. At ille; à re, inquit, paululum digrediendum est, ut concurrentium causarum, & euentus & ordinem possim digerere.

*De Boleslao Duce Polonia, & ex quibus
causis prædicatio illius gentis
orta sit.*

CAPVT SECVNDVM.

Sefridus.

*In edit. Canisti-
ana inchoatur
hic cap. 1. lib. 2.
Vbi, qua Andro-
as Sefrido as-
tribuit omnia
reperiet.*



Empore, quo Dominus meus Babebergensem regebat Ecclesiam, Boleslaus vir strenuus & prudens, & ingenue atque auitæ nobilitatis decore illustris, ducatum Poloniæ administrabat: qui dum

dum se gnaviter & prouidè gereret, omnes terre suæ terminos sub prædecessoribus suis hostium violentia inualos & perturbatos, castra vrbesque à sua potestate alienatas manu robusta recuperare præualuit. Cumque bellicos actus suos felici exitu sæpe prosperari videret, ergà Deum quidem, à quo sibi sciebat præstari victoriam, humilior, atque deuotior; ergà hostes verò ereditior atque animosior factus, mutua vice terminos eorum ferro & igne attentare, prædasque & manubias frequenter abstrahere & personas captiuare solebat, quousque assiduis cladibus ac terrore confracti, multis obsequiis, & donorum impensis animum eius delinirent, datisque & acceptis dextris, fœdera pacis firmissimè pangerent, & pacem recipere.

*Stenmittel Bo-
lezlai, Ducis
Polonia: de quo
lege Maximus
Cromerus lib.
5. Rerum Pole-
nicarum.*

De actibus & bellis Bolezlai Ducis.

CAPVT TERTIVM.

Rant autem, cum quibus diuisim, diuersis temporibus, certamen habebat ex parte vna Polonia; * Bohemiar, Morauiar, Vngarior: ex alia Rutheni, gens crudelis & aspera, qui Flauorum, Prussorum & Pomeranorum freti auxiliis, acrius, diutiusque illi resisterunt, sed frustra, quia tandem superati ab eo & contriti, post multas ciades, pacem ab eo postulare cum Rege suo decreuerunt. At ille, vt erat bellis ac laboribus semper infractus, non continuò de pace acquiescere voluit, nisi prius aliqua memorabili honorificentia satisfactionem accepisset.

Sofridat:

** Bohemi, Me-
rani, Vngari.*



Quo-